



孟津詩卷之四目錄

古樂府



彈歌

若何歌

文王操

戰城南

悲歌

舟之僑歌

將進酒



彈歌

若何歌

鶻鵠歌

巫山高

悲歌

思悲翁

有所思



朱鷺

石流

元狩元年十月行幸雍獲白麋

雉子斑

蒿里

東光

關山月

雨雪

豔歌行

枯魚過河泣

紫驪馬歌

紫驪馬歌

雀勞利歌

雀勞利歌

捉搦歌

江南思

東門行

那阿灘二章

獨漉篇

易水歌

野田黃雀行

蜨蝶行

蜨蝶行

公無渡河

楊白花

楊白花

塘上行

塘上行

舉山畿二章

煌煌京洛行

思歸引

飲馬長城窟行

妾薄命

妾薄命

西長安行

空城雀

秋夜長

胡姬年十五

行路難

西洲曲

悲落葉二章

武溪深行

梅花落

梅花落

車遥遥

臨高臺

紫騮馬

漁父歌二章

庚癸歌

黃竹子歌

履霜操

烏生八九子

隴頭流水歌辭三章

晨風行

擣衣

碧玉歌二章

乃舞組

孟津詩卷之四

古樂府

彈歌

竹繫泥赴擊肉肉思

王鐸

彈歌

肉不仁竹土不仁土飛肉仁於土土代木土代土

王鐸

若何歌

采葛朝日陟高林膽飴弱葛亦可紆

王鐸

若何歌

王鑰

嘗膽之苦苦嘗之采葛葛與膽相知

文王操

王鐸

鳳翩翩只書何降只殷祚皇皇只蒼蒼者天孰
一面而三日只

鷓鴣歌

王鐸

九頭之壇飛耶噫嘻世多庭氏關弓耶噫嘻

戰城南

王鑰

戰城南城北走野死如麻肝腦塗地血鱗狗狼

號烏啄食人腸飢鸞攫之挂高柳骼齒合泥屍
橫無首鬼馬悲鳴鳴不息蒲葦徘徊水深繫勒
流鏑入骨騰趯蹶踣何惻惻安得忠臣扶日昃
於戲方叔召虎真難得

巫山高

王鑰

巫山高江水澈度無梁心常結別害雜集思不
絕君不棄腸如雪山高何妨水澈何傷何用度
之石用梁心爲楫思爲檣一夜東歸歸故鄉泣
下徒霑裳

悲歌

王鐸

龜鳧自爾歡喜龜鳧自爾歡喜心區轉輾不如
阿多脂望日走與月步何里何里難以奮飛情
識互爲賊思蓼丘而遠拂廬何里何里喙嚶不
聞各無爲

悲歌

王鑰

悲歌悲歌悲來且放歌何用當泣使我憂多何
不可當泣何不可當歌勿使我憂多悲從中來
鬱鬱纍纍不爲故鄉哀拔劍砍地欲上告蒼天

下訴黃泉匪直君父胡爲然悲矣乎大哭大笑
何以處乎聖賢

舟之僑歌

王鐸

龍病深穴無術鍼頗有那太康復反海濘鍼者
饑餒貌日墨夢雖則墨夢狎獲山徑

思悲翁

王鐸

思悲翁一爰二珣氣殪熊有力誠虎匪小狐乃
弔於敵倣敵倣無嗃思悲翁虎力虎力旣覲李
父獵七八獵五六攀蹊緣石愁夜宿

將進酒

王鑰

將進酒容色掩詩旨而工升歌白浮羞陽氣和
唯唯飲飲其過過多沈湎徒苦爲之何

有所思

王鑰

有所思在西隣日夜綿綿爲思君思君不敢信
約我鷓鴣梨花春花上春已破鷓鴣往來頻何
以置鷓鴣何以置其春思君不敢問遺我匣中
青絲帨青絲多散亂令我思紛紛翻翻陌上草
喬喬南山雲雲亦不相見草亦不相見從今以

後不復思君春色不自持落花結子何殷勤花
落亦何傷傷我縠羅裙羅裙不耐春顏色不耐
君耐君日顛顛耐春零落東西分從今以後不
復思君思君不敢說看滿階前月夢來還自覺
西隣啼鶗鴂西隣啼鶗鴂誰與通淚血煎春風思
君不敢涕寂寂復悽悽蝶老粉墻東月落粉墻
西在西隣日夜綿綿爲思君欲往從之生羽翁
從今以後不復思君

朱鷺

王鐸

朱鷺鷺破雲刻磔邪彰英君介疾伏聲遐者匪
有大猷鳥發發

朱鷺

王鑰

朱鷺鷺睨鱗口不食目膠瀉道衰息誅者誰其
羽其羽絕天末

禽經云朱鷺不吞鯉

石流

王鐸

石流涼何駛臚碧齒齒永言懷君悲以傷霜落
磷色寒豈無光水有聲兮石有章寄君音兮君
莫忘

華曄曄

王鐸

華曄曄耕父欣神戾止開雲門駕紅蛟駟白鴟
神所游巫咸犇香飈發蘭之縵役鬻鬻般從紛
觴以玉薦苾菜臚驩盛日未曛聞衙衙歸青雯
元狩元年十月行幸雍獲白麀

王鐸

朝于隴矚崆峒神光萃毒仁靈磨之定目瞳瞳
休禎貽天地聰六神調四時融驅閃屍服日龍
星宿順嬪八風籥霧路起中龔

雉子斑

王鑰

雉子斑從雌之干雌食雉子粒雉子不離雉子
羣習文章陸離魚魚雅雅志介心直離復翕雉
母一雉子七野田踉躑遭翳鼻毛羽摧頽翳鼻
乃出雉子泣雌雄來雄攢泣趨雌雉子拉曳羣
然高飛將駕乎南溟北海從食美人永不歸

蒿里

王鑰

蒿里蒿里土中生不以智土中死不以仁賢奸
爲之爲之不足日月鬼神爲身

東光

王鑰

江華下麻陽何不下兵多不下粟多亦不下如
之何不下仁義權造化

關山月

王鐸

不爲山太高不嫌水如刀心不自識心何況冬
與春索性不縈念聲聲飛南鴈

雨雪

王鐸

華澤隕重雪黃室不可遊草木盡艱枯疏勒多
羶裘凍人皆削色地氣自爲道山峻陰無日河

凍聲不流諸臣務仁義殺伐不難休

豔歌行

王鑰

風吹秋何早吹我階前草大草葉先落小草東
西倒草故不足惜風故不足惱愁從草上生人
從草上老草吹草不直愁生何日了日亦愁月
亦愁不上水邊樓有日郎歸來門前棗花纂纂
開入門恰正好滿地生春草飲郎馬食郎薨東
墻高呼呼我兄嫂兄嫂相見必將曰鬼神鬼神
良可哀不能福善不能知來徒事祈禱者胡為

哉

枯魚過河泣

王鑰

枯魚過河魚魚相見相見而泣爾傳我言非我
不智實我不德水上喁喁天色黑

紫騮馬歌

王鑰

河魚娶山鹿山鹿嫁河魚水山合一處夫妻乃
何如

紫騮馬歌

王鑰

從軍郎十五不慣履雪霜會騎紫騮馬身着錦

五言詩 卷之四 古樂府 七
襦褌從軍六十年雪霜頭盈把襦褌已不鮮閒
着紫騮馬

雀勞利歌

王鐸

天陰地凍雀咨嗟餓殺鴟鵂飮母鴉

雀勞利歌

王鐸

春天多雨雀勞利不知苦滿臉齷齪一身泥土

捉搦歌

王鐸

絲作衣裳苧作裙嫁壻原以締婚姻不可過期
緩車輛東隣兒女慣笑人

江南思

王鐸

瘴邦海是岸海颺上人面不逢故里人但見故
里燕

東門行

王鐸

怒出門不肯旋將欲旋貧難語案有古人書屋
中曾無三粒米解一欲去求通顯妻來涕止之富
貴不富貴富貴皆有定命爲情願與君甘菽水
何故舍我遠分離解二人能砥廉爲廉士人如貪
林士乃非守道以飢勝于背道而肥君子君子

惟審幾三解盜跖豈不飽飽亦為人豕夷齊豈不
飢飢亦為人師黃口小兒競輕肥知命蓬華不
復疑四解

那呵灘那呵蓋灘名也其和云郎去何當還乃多敘江陵及揚州事

王鑰

看郎上江陵江上石峻增船行三千三纜用許
多繩

其二

王鑰

繩多不繫郎繩多繫人腸來水一篙短去水一

篙長

獨漉篇

王鑰

獨漉獨漉水深泥闊水深可脫泥闊不活野豕
負塗反噓乳牯鼯鼠施濟殺人餵虎崇奸匪仁
至愚若神載鬼一車笑殺麒麟赤烏啄屋朋龜
則哭風雷無益飲酒食肉立裘出弔號咷後笑
庶孽之子承祀宗廟狐狸為謀鳳凰斯憂捷捷
幡幡大於鵠鷁

易水歌

王鑰

易水西兮歸復東壯士烈烈兮歌北風歌兮歌
今羽聲髮指水不止兮心不死

野田黃雀行

王鐸

黃風吹赤日西下冷雲間河水怨海水急駛不
遑安手中無權衡蛟龍尚泥蟠蛟龍無雲電潛
出日夜閒空有霖雨志其志多悲酸致語告蛟
龍繁星尚依天一日風雷來爲爾暢幽悃蛟龍
蹇嶮稀鷹隼濺濺飛

蜨蝶行

王鐸

蜨蝶宛轉飛東飛西道遇野雀來侮之嗟爾蜨
蝶亦何悲雀羽獠猶雀聲嗷嘈蜨蝶之身長忍
飢嗟爾蜨蝶一何悲蜨蝶將欲語不勝心中苦
大澤無風波草深灌木多東有泉西有荷挾彈
來者兼張羅雀自奴軒雀自奴軒蜨蝶飛飛如
爾何

蜨蝶行

王鐸

蜨蝶宛宛歛高歛低乘春遨遊娑婆園百卉擘
擘差池陸離卒逢玄燕翩翩來子燕待哺三月

掠食以食子燕不論仁義不分良善銜之哺其
子其子四五張口鼓翼爭而食之蜨蝶愁苦奮
身努力聳然高飛母燕追之追無及蜨蝶眩眩
口破翅裂回謝母燕曰女曷太荼苦天理昭昭
禍福無定後日之我天爲政

公無渡河

王鑰

公無渡河公大不理於河其過耶公其過耶河

楊白花

王鑰

惻惻復忡忡楊花遇天風風裏見楊花依舊還

多情明年此時復有春丁寧楊花念我心

楊白花

王鑰

楊花如雪白飛飛朝飛暮飛霑人衣宮中女兒
唱不足拾得零落春已稀春色尤惱二三月偏
逐楊花去不歸一夜東風夢不成楊花夢裏滿
愁生明年春來花還來楊花難道不多情忽聞
枝上啼鶻鳩落盡楊花淚成血楊花又過清明
節

塘上行

王鑰

妾謬蒙君顧藏之以中心空閨守寂寞貝錦日
爲侵致君久離別不聞鴻羽音君豈恩義絕無
奈情難伸川梁間阻之一室自悲吟夢中見君
喜委曲陳苦辛古來蛾眉女往往有蹇屯水中
有青蒲蒲中有泥濘葳蕤生顏色婀娜臨芳津
不棄昨年故不侈沃若新君豈恩意絕拔蒲傷
其根知君能察識賤妾奚以言

塘上行

王鑰

塘上迴秋風搖曳我芙蓉顏色爲誰好秋來分

外紅妾心當誰知恐君別有期自君別我後
遑遑我念之君不念妾苦念妾疇昔時恩義君豈
忘遠方多川梁遑遑我念之金釵墜流黃遑遑
我念之蘭苕飛斷香遑遑我念之玉佩錦襦襦
遑遑我念之遑遑我念之裙帶結鴛鴦翠蛾不
飾琴瑟不張念之念之終無極明月斷人腸朝
亦一徘徊夕亦一徘徊妾心當誰知鴻鴈一何
哀恩義君豈忘遠方多川梁

華山畿

王鑰

孟津詩 卷之四 古樂府 十一
舉山畿舉山畿人不疾死人不死人死蔽膝
人不死蔽膝死阿母何與乎疾何與乎蔽膝

其二

王鑠

歡之亡耶棺之開耶卧之席耶鞞之食耶牛車
之不前耶歡耶儂耶

煌煌京洛行

王鑠

一翼錦鳥胡能高翔以硃冒玉枉爲韞藏士堪
實修有心冠裳小言大祿蒿以爲梁公餽無稱
甌鼠何祥張儀觸龍甘羅譎張偉矣知己少伯

子房古之達人龍遁雲翔

思歸引

王鑠

思家鄉我心勞躡流雲不崇朝山氣壘嶷意蕭
蕭清溪斜延魚鳥盤桓隨時休暇樂無端傑閣
嬾笙鏞射望邛嶺爲鬼宅松柏林晝寂寂

飲馬長城窟行

王鑠

飲馬長城窟屢戰肱雷北築城周大漠始皇一
何力健兒格鬪死鐵駟鳴不息鐵駟悲鳴向南
天朔風陰漠亘祁連鐵駟不死空徘徊日日蹀

躐長城邊長城窟穿爲水長城窟深無底馬瘦
筋力竭渴飲遭蹶跌四蹄泥滓不得動目瞪瘡
破身流血冰裂透馬骨骨裂馬足折馬死馬骨
枯常銜口中鐵築城人已沒築城人已沒獨留
長城雪堆滿長城窟窟深雪漫漫風吹塞外寒
雪橫翳增冰遠道音書難思婦獨倚樓天遠思
悠悠鴈到寒來早思婦心草草鴈聲飛遠情邊
草夏不生月缺月還明淚下哭無聲淚下當爲
誰眼中滴成灰淚下當爲誰日月苦相催日月

往復那肯已暮暮朝朝淚不止男兒別家三十
年人聲馬聲不入耳男兒猶可比比之離弓矢
待子歸來日已作泉下鬼長城窟深無底

妾薄命

王鐸

鴛鴦宿荷芷顏色自然殊爲子作盜盤英英閑
且都自謂潔蘭形骨相可應圖盧姬嫁偏遲等
色難爲趨棄捐遠言邁僕夫亦躊躇不惜顏色
改獨傷貞心孤顛頓何足道年歲更相逾行行
念霜露感此千金軀

妾薄命

王鑰

遲日日轉墻東杼英含蕊芳叢翠柳旭光陰通
豔女冶容慧中靚粧弱顏花紅嬌凝月濕芙蓉
曼睩濫濫昌丰形蘭質蕙香濃躡舄姚姁色豐
織羅萃蔡舒風娛光佇怡情融倒插金釵雲鬆
斜綴玉雀玲瓏方領雜備彩蟲曲裙碎褶紕總
鳳頭繡襪鞋弓衷袖曳腕驚鴻持志息氣調箏
遺睇巧倩極情雅歌協律越清流雲掣飛不行
靡曼灼灼無雙匹配鸕鶿亂行寃心無那垂張

淚珠滴死鴛鴦纍纍病骨支牀鞏鞏心羈夜長
爲誰顧影相憐短檠懷人卜筮愛通色授情連
神一目成心傳躊躇早夜不前巫山月飛杜鵑

西長安行

王鐸

所思兮逶迤漏迢遞夜何如月明昏暗風雨淒
贈妾翡翠簪贈妾雲霞衣君有異心今始得知
泣香粉灑鳳幃念君不忍相決離誰家玉簫聲
差池聲差池淚暗垂簪在亦何爲衣在亦何爲
反復視之心轉悲江流有時竭此意斷何時淅

浙雨不住吹

空城雀

王鐸

穀鳥生羽飛颺及曙虛邑無鼓無鼓鴉鶻載路
虎嘯于路旁狼嚙于壞戶聲如鼉咳猛力不顧
人生遭逢有命孺子猷狼虎狼虎乃不怒聖人
無死地牙腹爪距徒自負

秋夜長

王鐸

秋夜長木葉涼月下東閣照流黃秋月不可攀
草白風勁雲出山風帶秋思來秋思費徘徊寒

霜霑羅衣嘹唳夜夜秋鴻哀移枕就明燈飛蛾
撲燈打不開

美姬年十五

王鐸

歲蕤尚結情鑲蓮通夜明苦心生苦思展轉心
不寧君愛博妾命薄彷徨思之得其大略匪君
愛博冶媚不若匪妾命薄他人善度自顧顏如
玉難道不如昨自顧色如花難道不時落自顧
淑且良難道行事錯自顧禮以閑難道舉止惡
自顧端以莊難道挑達而嬉詭那知君身是斷

蓬忽然吹去無行踪一去三年三年不還不重
其德不寶其賢紫縠襦白縠衫紅蕤錦縹虛半
邊恰是房中八月天

行路難

王鐸

世路何傾仄人心易咨嗟池中之蒲生紫花山
川峭徑蹉跎客心苦無涯巨蛇張唇于崖側毒
狐喫口于麓沙猶爲功曹山魃如麻胡我生之
未亨寃煩而楂枒呼天天夢夢幸得脫身出兇
猾出兇猾形以焦枯欣歸室家稿項不出門不

遇麟高臥乎北牖之下

西洲曲

王鐸

飄飄夢西洲西洲梅不同折梅欲問誰只愁路
不通梅畏風來吹吹壞白與紅羅襦繪荳蔻錦
裾織七星行行步步佩瓊瓏東施西施不可比
越女趙女難爲工柏樹方綠葉塘菱方展青郎
行不復顧翹心盼歸鴻不見素書來水碧漾遙
空明月不肯憐致敬託好風好風將我去與郎
嘗相從妾心如金鐵可比彼芙蓉淤泥不能入

色骨有始終不比陌上楊柳緒吹來一任風西
東

悲落葉

王鑑

悲落葉高飛低飛難再接飛何終尤悔不關風

其二

王鑑

悲落葉葉落去不回不回將何處飄零亦可哀
森森蔭蔭昔何濃結花垂實滿樹紅擎莖攢柯
密且繁小鳥不能辨西東春夏沐天澤秋來翻
亂風秋風亂秋霜蒙秋霜秋風刮秋空一風兩

風亦難當一霜兩霜蠟滓黃氣數何迫蹙遠近
任飄颺悲落葉葉落傷世變根本從此絕永遠
不相見天理人倫一何薄終須枯爛填溝壑

武溪深行

王鐸

武溪深長征心淫熱毒霧相侵尋萬里勞兵戈
羈滔滔者水與海會期歸心如流水東流無盡
時

梅花落

王鐸

何須梅歎梅從雪見古梅今梅無老少不學牡

丹紅不學薔薇豔苦同萬物媚天那能不落鐵
幹孤立而壓霰

梅花落

王鑰

庭前一樹梅開在冬十月十月豈不寒偏爾藥
上能經霜花上能作雪梅花恰遇苦時節朝來
忽被風吹去空留苦心枝頭結

車遥遥

王鑰

車遥遥兮出并州車兮車兮不可留車驅君兮
車不返心從君兮君日遠心從君兮君不來妾

依形兮空徘徊

臨高臺

王鑰

臨高臺江水深深不測旁有香草日光沐浴
厚有德黃鵠得知之高且飛高飛不食其側懷
忠抱義令吾主萬年鳥獸草木咸若其天關弓
者胡爲然

紫驪馬

王鑰

少年遠從軍千里沙塵昏故園日思歸春風不
吹人踰多韉好馬束冰穩貼禪妻子相見老不

改舊時心

漁父歌

王鑰

日已晡兮江不風人不嘩兮
日已晡兮江不風人不嘩兮
日已晡兮江不風人不嘩兮
日已晡兮江不風人不嘩兮
勿耽耽乎蘆中

其二

王鑰

淵可測蘆可匿心中之心不可極

庚癸歌

王鑰

衆士測測乞活不克日暝其西日暝其北
衆士測測乞活不克日暝其西日暝其北
衆士測測乞活不克日暝其西日暝其北
衆士測測乞活不克日暝其西日暝其北
臭只不慈於有山氏西北即癸庚也

黃竹子歌

王鐸

桐柏西來曲折盤林木蒼鬱水聲潺七十二峰
桐柏西來曲折盤林木蒼鬱水聲潺七十二峰
桐柏西來曲折盤林木蒼鬱水聲潺七十二峰
桐柏西來曲折盤林木蒼鬱水聲潺七十二峰
廬山月濛濛夜對駱駝山

履霜操

王鐸

讒言未調考心載寧讒言既茹兒知攸處兒一
讒言未調考心載寧讒言既茹兒知攸處兒一
讒言未調考心載寧讒言既茹兒知攸處兒一
讒言未調考心載寧讒言既茹兒知攸處兒一
遠焉母心乃安惟考惟誠瘍疹繇讒兒竣其後
遠焉母心乃安惟考惟誠瘍疹繇讒兒竣其後
遠焉母心乃安惟考惟誠瘍疹繇讒兒竣其後
遠焉母心乃安惟考惟誠瘍疹繇讒兒竣其後
必撫兒焉今遠父母兒命實然棹花不飢芟衣
必撫兒焉今遠父母兒命實然棹花不飢芟衣
必撫兒焉今遠父母兒命實然棹花不飢芟衣
必撫兒焉今遠父母兒命實然棹花不飢芟衣
不寒

烏生八九子

王鑰

飛飛城上鳥所生八九子爭舖復爭枝日夜羣
相呼秦氏有桂林高樹數十株母子端正坐風
吹樹葉枯毛毳尚朔習未能達帝都少年行詐
巧施虞機彈丸高下東西飛母鳥子鳥不自保
一鳥中傷羣鳥歛歛同生日輪中才短智慮微
黃鵠巢太白弓弩應難格鶯鶯狼虎無能嚙其
魂魄網羅雖張人物鳥獸各各有天命吉凶反
覆莫向延秋哭莫上周王屋鳥自有命天自有
福

隴頭流水歌辭

王鑰

脚上隴頭水下隴脚山高雪深北來風惡

其二

王鑰

隴頭何有無火無酒有路没人有人没人

其三

王鑰

隴頭多雪崖崩樹折行役之人脚上流血

晨風行

王鐸

老狸多態行爲蠱壞騶虞多仁不學馬駢聖賢
相招氣細縵求十得九有其人嗚呼何患無樸

五言詩 卷之四
五
三
棧晨風鳴驟枯林

擣衣

王鑰

秋來家家擣寒衣樓煩人去人不歸杵聲砧聲
知性情敲散秋心滿天飛蛩雜秋衣鳴心從衣
上傾蠨螸塞北鴈不至鳩鵲樓前月空明

碧玉歌

王鑰

碧玉初嫁時碧玉年十五情為郎顛倒撩亂心
無主

其二

王鑰

碧玉好女兒豔冶生芙蓉尚嫌顏色淺紅衷遮
春風

乃舞組

王鐸

處世一蝶飛飛乃舞組寶泓旱霧夕朝乃舞組
天白顛顛高高乃舞組帶我長劍明離乃舞組
取卮自怡行觴乃舞組山泉嬉遊良足乃舞組
吾匪同于鱖鼃乃舞組

孟津詩卷之四 目錄

孟津詩卷之五目錄

今樂府

朝日陪祀

郊祀歌

嘏辭

思顯考

惟侯

大梁歌

送糧曲

扈從東郊

祝辭

陪祀歌

思我母

今讀歌曲四章

築黃河曲

河單阨

孟津詩 卷之五 目錄

門難呼

山中雪

破洛陽

孤夜愁

生蒿萊

長安少年

冬夜吟

三月歌

帶兒怨四章

官倉穀

冬十月

狗子縋城

孔目馬

阿咸故

南洲歌

江邊曲

滄峽驛謠

自省操 并序

怨辭

騁望

夕風歌

息夫人曲

鳳凰曲

大鵬辭

洛下歌

大梁謠

守城謠

離鴻憂

洛陽

有芝暈暈三章

青楊樹

出洛陽

秋蛺蝶

大吏歌

南溟妻二章 并序

寇至歌

三章范長烈女

六章從烈婢

拏人謠

平荆南

寓公歌

五門諺 并序

虎穴寺路歌

舊服曲為內子

守城怨

望故鄉八章

阿金娘

郡虎歌

永寧謠

江瀾操五章 并序

童謠

蚩蚩謠

白下逃

孟津詩卷之五

今樂府

朝日陪祀

王鐸

聖人亨六龍乘瘞繒明太階平旭象肇祉符昌
期陽熙晝夜調四時峩峩敦典虔羣辟五穀繁
毒無訾窄兵載虎皮富山澤男耨女絲何艱食
馨通五緯以泰邦國吁嗟乎騶虞長尾行跚跚
人神胥慶中正觀聖人乾天下安

扈從東郊

王鐸

日月清萬物食和元氣通雲之龍百官從非是
遊讌甘泉宮百萬虎旅壯威儀月支獻寶月支
痿千秋萬歲臣紀之

郊祀歌

王鑰

日紀窮星鳥中設泰壇修禮容 聖皇出固山
從祀帝神駕蒼龍張旂纛振武功獻騂繭考鼓
鐘燔血膏升歌工瘞蒼玉調徵宮百官序三禮
終 皇情洽神明通降純嘏紹休風

祝辭

王鑰

禮樂既備以歆以芳郊天配祖威儀孔章陳師
鞠旅振武含光靈動壇壝雲霧輝煌來則有跡
去則無方於赫神明景昭泮泮我 皇仁聖嘉
樂以康威伏諸夏臨馭八荒廓弘治道茂德允
昌介茲鴻祚申錫無疆

嘏辭

王鑰

皇儀盛美 君臣是敬選氣涓辰昌德洞命罄
天作肅禮樂茲盛雍雍雅曲神和且聽夙哲昭
淵受釐惟聖眷永敷祚昌祉延慶

陪祀歌

王鑑

主日就陽祀南郊
汜掃而祭陳太牢
瑤俎銅鼎各升庖
犧樽縮酒用江茅
燔膋升中大報天
虎賁蝦衛繞几筵
執爵駿奔近天顏
神光紫氣心肅然

思顯考

王鑑

思顯考備德音
敦善行義纏人心
布愷悌流吉光濟
蒸澤物仁壽昌勤
淪化庇井里溫愉
慈祥莫之比善勉
勉敬繩繩端形理
氣致神明考詩

書宜子孫執珪拜獻事明君
舉無訾動惟正家齊而和延餘慶
不遷怒樂斯神和之所生氣含
春立功德扶善良奕奕振振嘉祚長

思我母

王鑑

追思我母雲瑞啓祥德音昭
止賢齊敬姜儀行淵柔懿美
徽章兄弟五人一母所將誕
我陽月飲冰履霜鞠育勞瘁
半年卧牀奉侍先姑鷄鳴升
堂滑甘醴醅就養無方家道
食貧績紡不輟十指粲冰耐
此日月大兄成名束紳事君
職列

上卿母封夫人綸狄珮璜珠冠翠茵安車彫面
錦繡麒麟康哉我母福延善積壽逾七旬忽焉
棄我我情剝裂擗踊呼天肝腸痛絕逝不可追
噉噉啼血罔極未報慘怛切心遺恨在躬負罪
獨深遙望南山松柏樹永夜謾謾起哀音
惟侯為共城金令尹遷河內共人愛之王鐸
惟侯有言我不遑為家勉孳女豨勉峙女豨勉
餒女稷勉翼女麻侯去野王疇勤疇摩惟帝
眷侯留侯則何

今讀曲歌

擬六朝古人有感于中多託諸夫婦離合皆此意

鷄聲迂露溼鞞哀服統統坎坎城頭鼓

王鐸

其二

王鐸

枇杷條枇杷子結成情齒齒

其三

王鐸

妾繡綾襦鍼回盡欲繡蟾子心中不忿

其四

王鐸

妾不罵明月郎不騎驛馬妾不逆潮船郎不車

穀啞石在南山下

大梁歌

王鑰

大梁城一城水揚州城一城鬼鬼沒頭水沒尾
只有男沒有女一半上南天一半下海底

築黃河曲

王鑰

築河先築人築人先築我終將河水變成火

送糧曲

王鑰

鹿山寇盜盤破破河南錢糧急如火男負女戴
送軍糧路旁母死子哭娘橋斷沙埋江上水開

溺者數千張口招手救人來救人來

河覃阨

王鑰

莫說河覃寇草木蟲魚斯詛斯呪

門難呼

王鑰

門難呼將啼鳥驚醒大姑與小姑

官倉穀

王鑰

官倉穀官倉穀肯入人罪罟不肯入人腹野有
飢人身露骨不死致死嗟且鯁穀在倉化爲土
誰知穀官是鬼卒

山中雪

王鑰

虹藏雉化山中雪
下山上有路没人走
我軍枵腹轉戰夏口黑
豆白麥十兩一斗

冬十月

王鑰

冬十月抵楚邦
戎士貫甲馬渡江
王師衆賊勢寡
伏屍飛血滿原野
黃鬚將軍騎白馬

破洛陽

王鑰

寇圍北邙白日無光
十月一日燒洛陽
國主被戮土染血
龍血模糊蒼蠅守着哭

狗子縋城

狗子者乃誘賊破城之兵名也即賊也

王鑰

狗子縋城頭上裹布手
提髑髏血滿身一馬馱
着三少婦赤着脚
衩着褲父母兒女不相顧
火蓋四野四下無路

孤夜愁

王鑰

孤夜長孤夜凉
西來月光上夜床
秋風刮霜樹葉黃
欹枕寒聲不可當
愁怨結愁心絕
天不明怨重接多事
蟲兒叫不歇床前
鐙半滅

孔目馬

王鑰

孔目馬瘦又瘦我行其庭前
櫪中無莖豆馬如肥牛
金作鞍翻翻者誰府州官

生蒿萊

五弟鐸墓

王鐸

五弟墓生蒿萊春風一次花
一開花還開弟不來

阿咸故

侄無驕墓

王鐸

阿咸墓山下路寒食春草生
偏生斷腸處墓中千年知爲誰
野棠零落飛白露

長安少年

王鑰

天色赭風掀瓦甍結健兒騎邊馬
騎邊馬過市塵鑪頭少婦數青錢
數錢賣酒手提金刀下馬一直往裏走

南洲歌

王鑰

送郎上南洲西風黃葉秋七載郎不返
人遠思悠悠開門望遠人桃花三月春
柳雜桃花樹桃花斜對門花飛我門前
令我愁思煎愁來心獨苦滿地落紅雨
愁思滿心中歷亂不可數出門望南洲
行行溝水頭望郎郎不見終日溝水流

孟津詩 卷之五
水深河難渡風吹橋邊樹望郎郎不來空閒橋
南路路長遠接天青草生兩邊隔橋見鴻鵠雙
雙水中浴有路郎不來春水漾空綠

冬夜吟

王鑰

樹已籜林中白雪已落北來風緊空庭寒聲夜
寂寞夜聲長隔窓清氣涼獨夜坐自歎復自傷
鴈飛復長鳴寒風入幕冬心驚篝燈棹上明冬
心無處說朦朦下窓月

江邊曲

王鑰

寶刀不能割水鉅艘不能行堂男兒遭遇風飽
順檣天地恢串熙皞明良岷嶓萬里下三江掣
鼉炙鱠樂未央

三月歌

王鑰

江上漁人撒虛網蕩漿男兒打潮響甌中無米
妻矐晃

滄峽驛謠

王鑰

近雨溼襪遠雨溼蕤湍急石罅高五尺

帶兒怨

王鑰

帶兒絲絲蟲口生一團紅絲血織成

其二

王鑰

纏纏綿綿絲裏來千頭萬緒抽不開

其三

王鑰

我欲剪斷下剪難將帶結就雙連環

其四

王鑰

人隨魂已去月從水上流留着絲帶兒牢牢結
兩頭

自省操

王鐸

自省者王子閉門無暴心械事而侮與
辛螫亦有時及援琴以之自督

一室遼曠而心之苦彼我不知其哮如虎我或
有過乃我之尤攻我玉我勿曰外讐

怨辭

王鐸

天憫春陽柯雪枝霜少年意氣摩劔生光氣吞
滄溟手蹂二嵩俯身刈葵報讐不成礪砢勁松
不如巧蓬蛇龍無雲白澤無風南磨張網含涯
釣魚帛功無書生我何爲

離鴻憂

王鑰

秋氣清秋魂驚流風卷行雲斷鴻緣雲飛且鳴
飛來北海頭辛苦越程途酸聲浮叫響高秋延
翻軒軒秋水搖天去故國別故山故鄉落在亂
雲間回首瞻故國振羽淫暄下秋關歷楚塞過
楚湘楚地楚天蕭蕭瑟瑟野雲黃天寒霜露逼
何時歸故國

騁望

王鑰

騁望君兮落暉歷九秋兮離違風淒淒兮木葉

飛君夷猶兮忘歸蹇躑躅兮絕信音憂之來兮
結我心心蹇產兮難禁昔為別兮三載今何為
今久滯淫山之阿兮江之湄雲嫋嫋兮秋風吹
霜皚皚兮凝白水揚波兮增悲君不來兮何許
巖有蜮兮林有虎禽蜥蜴兮水上麀蹶躡兮泥
土悲涼貫乎肺腸中有懷兮誰與旨酒滿壘兮
堂上縣鼓絙弦調瑟兮歌且舞君不來兮我心
徒苦

洛陽

王鑰

洛陽城高洛水滔滔花起芝田雲壓重霄鷓鴣
多仁春日來巢杜鵑多悲終夜哀嗥鴻鴈多義
粲粲聯翮日夜思之我心勞忉與君爲別將及
三年早暮相思遠在南天與君爲別秋後夜長
休學蕩子不想還鄉與君爲別正在八月誰想
一去音信斷絕

夕風歌

王鑰

天黑日夕雲助風力翻倒渤海吹倒西極雲暗
暗今天不開樹響夾山來

有芝羣羣

丙辰余園產二本檀香色六莖
小三莖丁卯又產于榮華樹下
紫色
五莖

王鑰

有芝羣羣房繁以瑳蒸也則荷匪君子是那

其二

王鑰

有芝赤瑱以蕢相偈再出燕胎今胡考之繇今

其三

王鑰

倪天如夢肆茲乃慶匪慶錫矣何其許矣邛鮮
厥修邛顏臙臙矣殆迷失亞矣

息夫人曲

王鑰

羞將眼底淚灑向白楊花
楊花風吹去飄飄落
誰家

青楊樹

王鐸

青楊樹雜白粉黑脚飢鳥叫荒墳叩鐘考鼓土
華紫寒食兒女燒新紙梁肉瓠脯纏葛藟泣婦
明年又生子膩粉明珠華薄裏青楊樹上悲風
起

鳳凰曲

王鐸

青縷煙縠臺色暮羸姬輝搖隔輕霧鴉鬟范翼

暗香融琪花詭石瑣秦宮仙侶飄來星路迴銀
河低垂鴛鴦冷碧空突居天不遙銅商竹羽聞
鳳簫月華琚鳴炳如曙音遠漸高騎背去

出洛陽

王鐸

出洛陽不回顧火燎城河難渡飛鏑亂金光懣
聳踉蹌日已暮一解錯愕往北走脚踏荆棘叢死
人衆穆橫野活人藏在死人中二解活人藏在死
人中將血來塗我面將頭來遮我胸屏息冒屍
賊行超驀兩人拿著一張弓三解屏息冒屍賊行

超驀兩人拿著一張弓行行去往東雨正下刮

大風

四解

大鵬辭

王鑰

大鵬非凡鳥一飛萬餘里忽從東南海上來無人得知鵬來向吾徘徊陸離五色翩翩翬翬蓋地摩天志氣偉雄誰知此鵬是大賢九萬一搏揭軒逃軒鳴鳴慷慨昂首與之爭飛翻飛飛縹霄列闕間鳴鳴振羽逡巡倒尾尾秃羽鍛頭腦向下垂汗流血出皮已虧哀哀聲何悲仰天太

息仰天太息方知大鵬有神力人不知顧不知顧鵬乃顧我翱翔而去仰天太息嗟乎鵬乎鵬殆將遁世以藏名

秋蛺蝶

王鐸

花間接翼兩蛺蝶日戲花間貪且悅悅時不顧馬雀食愁時怕遇重陽節爲告蛺蝶自爲良圖雀紫下來鐵爪剛距性命全無女不伏螫胡爲乎

洛下歌

王鐸

洛陽連數郡坎塙兵火餘前年賊來焚我廬今年兵來室爲墟槌殺我牛爨燒我車外戎如湯沸內戎如虎驅耕器毀何歡哉向北走賊又來

大吏歌

王鐸

刺棘成叢大冠何里譽香大纛官如此在南者橘渡淮者枳吁嗟大冠乎人生不如死

大梁謠

王鑰

黃河破地水鳴易曰地水師神鐘十萬鉤鉤號號出鬼聲賊不退水屠城瀾瀾六日天不明

南溟妻

并序

王鑰

南溟者古安陵人也同妻某氏盡子二避寇大梁二子俱在襁褓不自氏出氏視之若自氏出大梁苦水患寇肉薄城外同夫若子巢居河中屋上若是者旬餘日不飢食亦不得食亦無所不食食木食草偶食生鼠食土食甃音雷磚也甃不可食食之若是者此夫妻父子之所以不相顧也越旬日艦南找拯溺艦儀夫

僅得登艦夫妻父子遂不顧越二日艦
復穢氏僅携一子登艦一子尚呱呱屋
上氏曰可救吾子榜人曰得一子生足
矣尚欲二子同生乎此萬萬不得之數
氏復哀求之不得艦北找去氏慟不得
屋上子同子投水水不得下浮水上不
澁不墊唉夫不澁不墊誰爲之不澁不
墊者氏同子復升屋居前子所子遂不
復呱呱矣越三日艦又復穢氏同二子

遂得登艦北找前後巢於屋者殆將徙
月夫妻父子相聚子成立此南溟妻之
所由作也

負子下水水不得下天桴其心子桴心大

其二

王鑰

莫出城出城賊殺人莫入城中有四百八十二
萬魂魂來天雨黑魂越河水沉水殺殺人身不
得殺人心人心無死生河水有淺深

守城謠

王鐸

有鳥有鳥其尾亦逋縮身數錢晝日坐杆賊來
空擊鼓牛轂不能趨

寇至歌

王鐸

炙人穿胸小蛆泣頰有膽如鱈陷賊饑出虺虎
噬狼終以無怯

三章范長烈女

王鐸

慄臨其韓無涕出乾裂穀激姚姚此水可作潮

六章從烈婢

王鐸

皇帝之九年倉兄瘡兮無師征厲階誕厥生天

之憚怒十城崩天陰衆鬼啾啾鳴無鬼敢發此
井聲

拏人謠

王鐸

拏人曳觚觚曳兵晝行三百無日夜行三百無
星日星不貼與鬼同行觚鬼馬鬼爲數不足拏
人補鬼生易其肉

平荆南

王鐸

榭樹黃天隕霜士憤義擒賊王破賊巢焚賊梁
我軍疲憊馬帶傷歷千山登南天級萬億繫後

騎班師而歸縱兩翼

寓公歌

王鑰

故鄉不可住他鄉不可寓四方多壘豺虎多寓
公無家奈何奈何

五門諺

王鑰

三輔决錄在河南府西四十里澗穀洛
之交馬氏兄弟五人居之作五門客舍
因名後養猪賣豚曰五門嚶嚶但聞豚
聲而苑中三公館下二卿二語民蓋謂

五門子孫凡民之五門也今洛隅城西
居人尚仍其名鮮知其義故作此諺

豚聲不聞嚶蟲聞苑中館下何足云

虎穴寺路歌

王鑰

殺草補馬殺牲補神引婦負子歡喜木人

舊服曲爲內子

王鑰

朝看赤日光炤見舊襖褌顏色尚晶瑩餘馥凝
不息茹茶食貧祗爲郎笄珈換得嫁衣裳角枕
犀梳宛如昨夜燈花一夜落江臯戰旄插大

鼓濛濛遠隔杏花雨

守城怨

王鐸

守城速人痛哭寇之來樂其災寇來不可活縣
官不可脫重斂酷于白額虎怙恃蛆蠅爲刀俎
敲骨剝髓可如何一聞寇來畏如鼠率民守城
民竄走口毒背憎生怨語幸城牢寇去遙鞭死
邑中人早死隴上苗官甚于寇人安逃願天蚤
陞縣官使離別衽衣美食爲歡悅衣服皆是邑
人血

望故鄉

王鑰

登高望故鄉河難渡草白風吹路

其二

王鑰

家在雲之南日將暮雲藏河南樹

其三

王鑰

東都千餘里秋滿山西連函谷關

其四

王鑰

北邙山不斷雲蓋秋黃河東西流

其五

王鑰

十年爲部郎歸不得積怨滿南北

其六

王鑰

可憐秋又到鴈南還飛破洛陽天

其七

王鑰

秋去月不正悲風酸雪落太行山

其八

王鑰

春來花盡放人不歸花片帶春飛

阿金娘

王鑰

阿金娘阿金娘添人懊惱亂人腸

郡虎歌

王鐸

左吮血右磨齒忽爾而怒忽爾而喜

永寧謠

王鐸

牛摧兩角不殪其腹

江瀾操

王鐸

江瀾爲北比部退思二母詠退華貫杜

潔齊公子也嗣于南克令秦靈公嗣母

吳氏勞于家生母方氏相周旋處人難

處之時退思委曲善事竭蹶殖學筮羽

方揚而二母婆娑健飲啖懌矣哉作江
瀾

江瀾瀾兮炤寒晷露濃濃兮不可以履處艱難
今何知其底致敷愉兮何不知其喜

其二

王鐸

母之喜之庶幾無痲子之將之實勤子心如茶
在口如體斯瘖陽曦載煦春雲肇新茶之苦也
不可聶也曦之易也不可燮也

其三

王鐸

豈曰非禴狄兮不如二母之臧兮豈曰非茀祿
兮不如二母之昌兮猗與康兮舟珮纒兮

其四

王鐸

巉巉之山尚或松焉蓊蓊之雲尚或雨焉瀾瀾
之江惟其不徙恭人淑德曷其有已本支蕃茂
世遵之紀

其五

王鐸

江水衍鬱禘始基之惟父穀之惟母匡之我思
江水于彼沙田斯爲母鵠延胡永年

童謠

王鑑

蕩子渡江南江南蕩子渡既渡還回來誤了山
上路江南許多人人人沒媳婦

蚩蚩謠

王鑑

蚩蚩烝烝來填白坑種人種骨年年髑髏生

白下逃

王鑑

大兵過江十屋一窓兩頭沒路子母不顧水西
城門無人把賊臣背主母騎馬

孟津詩卷之六目錄

五言古

舟中漫題東叔甘三首

夜吟

傷亂

咏懷十九首

思遊秦蜀楚越諸山

音達二首

農人

卜日如少林寺

秋如燕都

嵩陽三栢漢封之其來莫紀

亭前

思五弟磁州作二首

五津詩
卷之六
二
貽二弟鏞

所思

苦雨

早月

西河

吾里

禮岱

初晴卽事

五月廿八薄暮雨後得餘不書促余如少
室因東餘不得三十七韻

種瓜

與牧牛者談

墟墓

田間卽事三首

西天寺南山陂

獨寐

鐙下獨坐

再過關山與僧

秋雨命僕修舍後毀垣將遠遷

弔卓水東秋林太史墓

携家夜行夏津南聞寇聲走荒塚棘陀間

三弟陟叅軍喜得相聚

前南征九首擬杜工部前出塞

後南征五首擬杜工部後出塞

孟津詩卷之六

五言古

舟中漫題東叔甘

王鐸

颯颯畏冬夜
肅肅夜何長
篷開知非室
倏忽見白光
感時念易集
客子中心傷
櫺軒不吾適
園梅只自芳
江湖飛雜翼
徘徊繞我傍
憂來日無止
况乃懷故鄉

其二

王鐸

春開月景韶
桃李芳且妍
端擬當此時
與子共

盤桓上招虞舜魂傾心聞琴絃太音不易得深
馥發老蘭其蘭有本心不處桃李間雖然無人
佩深寂自年年

其三

王鐸

美玉萬鎰體含輝在清津世俗不能知君子獨
爲欽不令纏兔絲光照何彬彬中道有缺毀胡
弗惜人心終風穉且狂天地無全仁所貴蒙察
識不恨委埃塵

夜吟

王鐸

細月照薄帷此夜證碩藹衆星咸有就宛約徙
天河孤鴈西北鳴懷土豈不多聞之不能寐攬
衣步檐阿風來吹我心貫錐盡凶波記言牆上
趨欲往將如何濡墨返一室經紀在木蘿巢父
死已久誰爲達者歌

傷亂

王鐸

平世不可得年年經亂離饑歲人相啖枕死孰
能支諸吏若冠虎攫取良不貲骨髓盡爲竭追
呼晝夜馳蠶午聚探丸操戈教赤眉田塍鞠崇

草有家不敢居短衣攜快刀倉皇渡河湄沙起
枯柳鳴日莫失前期村中聞鉦鼓藪穴走蛟螭
人口多分張一身何孤危棲託城市中所向覩
嶽崎未能盡徇人吞聲受瑕疵設心諒無佗外
侮不無譏旅處易相侵屢爲諸吏欺駕言入深
山山巖卽相知字以鴻飛房勞人石洞空擁書
處古友階前花藥滋老猿憐其獨餓時食鬼芝
天意浩無窮亂弭誰廸知諸吏陟廉能誰敢言
是非逝將入崑崙學仙問冲規年華如流水顏

貌日日衰試看巖間鳥旦晚各有歸世運會恬
謚予惟信所之

咏懷十九首

擬古

王鑰

鴻鴈忽南翔君子多悲傷物將慎所託人生安
可常白雲處山峩明月下池塘颼颼寒露風桂
葉亂秋霜况乃天反覆我生何激昂甲兵苦未
息憂思獨難忘鬼蜮覆日星異患干陰陽何以
免尤悔大道在微藏非是罔能穀而以自求臧
俯仰旣不愧尤悔亦何妨

其二

素髮驅我愁所愁不可名二子咸有年學問尚
無成努力苦不早何以致顯榮世俗略可見言
之百感生比匪人所重賢人人所輕仁義不衛
身寧爲盜蹠行亂當詩書賤家喪倫理傾忍辱
聊自持恥與鷄鶩爭歲月深我憂黃身及時鳴
老至寡嗜好因以怡道情徵友集蘭若提壺傾
沈清常此不攫物何爲物所營

其三

王鑰

烈烈山頭風茷茷墓上蓬寒來自不保零落滿
山谷無復丰茸時樵採供芻牧古人何關慮見
之傷心目傷彼草中墓罔知墓爲孰牛羊踐其
土土人伐其木百年如一日日爲名利逐生者
乃以死死者寧可復矯誣性所滅天地相局蹙
英略無可聞至善無足錄大賢嗤噓之胡以答
幽獨無待歌舞歇荆棘生金屋

王鑰

其四

王鑰

非不樂尊榮嗛嗛恥所圖才分自齷齪性質本

下愚爵祿縱苟得吾亦愛其吾昔爲鹿城宰覆
餼深我虞今爲西曹郎明允愧不誣因從暮鳩
鳴不受嗟來呼尸鄉聊自守還讀古人書樹間
來好月溪春理園蔬婪尾隨綠意石上生青蒲
良朋時往還好鳥與之俱旣樂亦已閒息心在
懸車

其五

王鑰

森森庭前栢歲寒心不息不與物爭榮丸丸身
自立託根石徑旁柯葉鮮所飾高大三尺餘表

裏有容色日月恒爲曝霜露不相忒歲蕤勿剪
拜護持神明力幸蒙坳垣仁免雜荆與棘有心
人所知不爲不可測無處盛之槩聊自固其德

其六

王鑰

寒鳥啼靜夜人子悲霜露蕭蕭白楊風萋萋城
東墓墓草當秋枯松柏已成樹墓田上牛羊丘
壟穿狐兔嗟我徒有生雖生不如故匪莪亦匪
蒿自慙終身慕罔極無以報有愧乎反哺潛寐
何時覺千古爲長暮河水日以逝東流不復顧

北邙日以短賢聖留不住年去如落花悠悠何
所附進德苦無德求仙苦無路覩茲翁仲苔潛
然傷情素

其七

王鑰

嚴威何瑟瑟林枯草葉白雪積大姑山水堅彭
蠡澤水泥鴈來希山下少行客人皆養烏鬼種
蛤不種麥我獨遠行役鉦鼓苦相迫悲來填胸
臆商氣入蠻貊喬雲掩赤火地水不縮脉爭戰
多野死斷鎬雜骨骼念之方慄慄隱憂日已夕

日月且無序而我奚所適一物而師攫不敝亦
何益

其八

爲壻傳餘不作

王鑰

曠代有偉人其人淑且旨謀道無外心垂髻掇
青紫事親難爲孝爲孝莫與比讀書鄙章句見
之每倒屣讀書子所樂性情我所喜所喜怡我
情至善得所止念我日衰疲弗能摩肌理何堪
久化別相去二百里習風發林薄油雲翳蘭芷
細香結谷蔭素姿貞於此欣然當我心寤寐不

能已與子邈微言大道窮元始

思遊秦蜀楚越諸山

王鐸

杖策當遠行周覽衆山岑道路雖緜邈行行空
我心澗峰各不襲仙人曾鍊魂天地大文章奇
山具靈珍匪自人雕刻變幻肆以奔日月纏其
中不令山魃侵必有別虛實萬載無新陳孤往
耳目古奇鬱何者羣一山消數日數山給數春
視聽非爲薄品物彙乃身紫芝療無餓騎龍若
馬馴翱翔天地間庶幾廓空襟

音達

王鐸

遠道復遠道西出伊洛間驅轂欲何之駕云過
酒泉戎士浩無極日落在西淵黃河塞外流崑
崙各幽玄感心涕如霖一去幾時還異國雲不
同遊子衣裳寒斯心無人察茶苦又何歎

其二

王鐸

客從遠方至訪我田舍居云自江以南良友錫
我書一讀恐遽終緒多次且徐眉宇久未親而
於夢無疎玩味在書外莫不愛此軀欲以謝明

時動與憂患俱甚感此意厚采休實籛條周身
昧于微孰分龍與豬惟恐負友言行藏不如初

農人

王鐸

茅廬依林薄種瓜苗苦稀連壠蔓草繁白露沾
短衣人功不惜勤占時乘天機水滂違物性空
倉田雀飛罷罇多切怛秋莫蒔園葵午飯將安
需親戚爲嗟咨稚子牧豕氣化旣如斯容裔
柴荆外山雲若相知今年不免餓明年獲東菑

卜日如少林寺

王鐸

選日發二室整心廢一切悠然信所之漸與世
人絕光炯泊林麓遠念自騷屑毋爲塵事羈仍
復履巉嶮貝花方粲粲我中良切切斲石開澗
雲注水煮山月况當東風至山情清以悅陰壑
落春榮幽林鳴鳩舌居高忻所得尋源路曲折
去天天咫尺煙雨互明滅

嵩陽三栢漢封之其來莫紀 王鐸

嵩陽有古栢歲月莫可度虬屈幾千年氣宇生
寥廓傳曰漢所封或者得其略穆和章德厚體

崇結盤錯大德必昌榮神鬼不能攫無乃自爲
政廣澤乎文學嶽靈裕滋息天命爲骨格性情
處所存俯仰而自若非散木之儔幸逃於斧鑿
屯潛納風雷聲響擘幽壑陰陽庇以善盤基匪
云薄上不巢暮鳩下當有大藥頡頏若昆季序
次相錯落武帝加隆禮隆之以圭爵萬世所瞻
仰時見飛神爵閱盡古今人將以爲木鐸

秋如燕都

王鑰

驚風颺凜秋餘晷結寒露沉吟遠行人淒淒日

欲暮日暮何所歸黃葉城北路凝氣慘無顏川
原莽回互泉音知地脉禽響自樂孺繁憂雜晨
夕廓落少懽趣遠矚無間綠內觀有儲素明滅
遠村火苑枯荒丘樹造化殊寒燠顯晦聊可悟
我馬已虺隤何以代跬步欲渡深則厲展轉復
回顧徒耽周子怨知爲一身誤

思五弟磁州作

王鐸

墳在家之南中有松柏林霜飈冬不殞綠葉結
重陰白日不能照地下何時春我今宿滄水相

送少一人一爲生死哀中夜難爲心

其二

王鐸

生矣爲同胞死爲南山魂魂來在幾時魂去與誰親尚有宜死者物何不相侵讀書好擊劒豈是尋常人陰風吹庭樹慘慘却月昏徘徊女知我我心不易論

亭前

王鐸

今日有好懷溼徑行委曲自然性情恬雨後花氣篤濯足有餘適塔下無來躡雲影照簷端隔

屋聞春穀此中無將迎悠悠協玄矚高卧風吹惟息心見有欲不見蜀葵葉今年爲誰綠

貽二弟鏞

王鐸

女子乃猶子吾家尚和燮所望蛟變化不圖弱齡折痛極若無身但見衣裳溼樓記五弟去此子又不立死者心上肉生者目中血人生憂盛滿天道雕盈缺修短人無爲一氣互起滅我今生趣寡涼秋七八月舊時歡不來庭前落木葉願言兄弟情黽勉敦莫節賴以懌雙親勿對吾

親泣愛日學萊子深心詎能說

所思 擬古

王鑑

含秋結所思願侍君子旁
早夜有夙心夙心難以將
畏人每鬱紆羅帷生暗傷
獨坐多躊躇溼粉滴流黃
妾豈無情識君自鑒衷腸
我自不自由我蹠足阻瀟
湘贈我玉搔頭結束不曾
忘贈我合懽扇出入懷衷
藏露寒知風發願爲衣與
裳月落知漏永願爲鐙與
光朝夕隨君身雜佩爲香
囊門扃金魚鑰衾擁瑤瑁
牀疊顏奉巾幌揣

心侍蘭湯尤慙失閨訓舉止欠安詳
躊躇難自持所思一何長何以遂
所思早夜獨徬徨

苦雨

王鑑

當節苦雨少不節苦雨多
雨少雨猶可雨多傷稼禾
郊圻罷錢罇原隰爲江河
陽景不支撐沈陰翳嗟峨
子氣儲殃疫申金彙兵戈
五穀罔滋實火滅土不和
莓苔益以綠宿楚貫女蘿
煩憂日已集煩憂將奈何

早月

王鑑

早月當戶牖傷我門內情歛情資綿視苦日益
新明而亦知不寐何勞入柴荆君遺情裏光來
往流心旌空庭遐心滿誰分永夜清高輝獨切
人左右已盈盈歸房掩羅幃不耐月中行

西河

王鐸

遠雲搖空綠南風漸以還念君方的的不覺春
已殘交會亦無多而以悅爲安君意自均一形
表得自然興趣皆有本大情協方圓芝擘五爽
曜靈藹外身顏知能鎮其朴冲氣裕仔肩山空

霄崖深星濶冥虛寬高棲凌物上養正足交歡
徘徊復疑一幽淡可永年

吾里

王鐸

又作三年客鬱鬱感春歸春時草木變處處有
餘暉借問吾里山我心憺以悲青煙其間周身
音隔霏微審情念故老往往在藥磯藥磯映綠
柳行休良依依我生百年內忽如車轂移少者
益以老老者不可知但當醇酒飲一與舊林期
過時而不返榮利奚以爲

禮岱

王鐸

目際卽突兀相見敦太清蜿蜒齊上下天理無
遜形清虛乃不祕愕然躍此靈蒼茫元氣結倒
挂星日青海色互動盪陰陽爲顯冥潛怪各因
處毛人飛玎玎雲雨豈無本坤門有紀經云亭
小骨氣蔥峭分其中幽玄人命司天光紅晶熒
我心欽峻峙峰極五岳宗鐵巔摩高深龍轡休
其庭軒皇並嘯遊終古一煙停

初晴卽事

王鐸

陰晴無常格天地不自若人生寧久安所當知
裁度炎炎焉可長忽然雷雨作緒雲就歸颺歇
花漾高閣鳴鳥翔南谷轍魚畏秋涸嵩門去匪
遠舉足生林壑山飛日氣迴潭深石牢落攘攘
悲人事無乃自束縛富貴多憂患勿徒死安樂
更待陰雨至淋漓滿叢薄羲馭幸高朗庶將慎
所託

五月廿八薄暮雨後得餘不書促余如少
室因東餘不得三十七韻

王鐸

西風吹大陸風雷逐雲師蒼狗歛上下幕燕羽
參差滂沱天縱橫爲雨不知時遠人持素書帶
水復拖泥炊火讀素書書上多言辭首言俱平
安後言久別離日月苦不多山川曠締思蘭若
幽無限左右蕩華滋澄霽含餘清嵐暉約半規
谷壑流暗馨遙影洩新漪峰危天貌斷樹翳日
容遲聊可以怡情又可以賦詩交不過二三仲
夏以爲期苟不及其期過此將焉知故山盈契
濶莫惜老頭皮至斯人逕絕捨此更何之整時

居高明心廣志亦馳好月來無倫海色結琉璃
出入共欣賞徜徉無忒儀攜書兼攜子客意傾
屣屣貫情聞玄爽開心怡春熙浮丘倘有遇旦
晚相與空問道覺愚蒙緒風承愉嬉展眺雲林
末吟詠悅心脾新詩多真氣妙語發清姿有酒
當爲歡且傾金屈卮狂來呼大空傲傲不知罷
何與於治亂罔羨乎崇卑晒彼齷齪者營營空
霜髭旂常安可問取歎於惠施古人貴純修所
得諒不移人生固有志窮達各有爲寧爲黃口

孟津詩 卷之六
五古
噓勿使聖賢悲子乃千秋人大雅良可追與子
偕所臧日月何孜孜山靈亦相得相得自不疑
如期以長往朝夕歌於斯

種瓜

王鐸

種瓜瓜何苦徒爾惜空花播種不得力飢腸空
歎嗟荷鋤歸舊房墻上有溼蝸風雨漂不息不
如種直麻養士鮮實用臨事如搏沙口舌不盡
人利口欺邦家濟變蚤儲材何難見重華

與牧牛者談

王鐸

水邊多豐草大牛可以肥牧人夢旣醒前爲卷
蓑衣東瀦蒺藜無小牛亦不飢牧乃告我曰人
理咸若斯牧事不爲小性情貴自熙天和萬物
亨喜不生牛疫卑溼勿臥之損角傷肉蹄語罷
日光落騎牛坡下歸我亦不逢人各自返其廬
望廬未相及田鳥近人飛各無識與想天雨將
霏微

墟墓

王鐸

寒暑遞爲政人物相與循依依念所生悠悠不

及辰承顏不能久難仕痲此心披帷呼我妻帷
間凝積塵有子啼不歇虛位儼然新念昔事旨
甘飢寒嘗苦貧有祿方幾日干戈憂患臻感斯
聚散情零落淚何禁殘月照我裳涼風吹我魂
况瘁粲者女弱男泉下人山岬獨爲隱言笑不
成春歡會雪一夢不期破紫珍墟墓千年後藟
藟但荆榛

田間卽事

王鑑

野外墟落冥農人看斗杓鷄鳴日未出荷鋤入

東臯早作肆戮力清晨遠風交禾黍祈年登六
月土色焦西北有來雲望雲目空蒿饑婦桑樹
下攜壺手亂招田家只瓦噐跌坐傾濁醪連年
苦無雨今歲天又高

其二

王鑑

草荒田土薄苗稀但生草牛癯牛無力扶起便
跌倒室罄囷缺米盆中淨如掃男婦七八口性
命恐難保官吏派雜差追呼累里老正供尚不
足私派苦比考有地無人耕空羨時雨好樂郊

我將適去之悔不早

其三

王鑑

步之於野外野外數畝田良苗未可恃歛獲全
仗天天豈獨困余諒亦可苟延老人恒畏飢今
歲更顛連稱貸往往絕近冬無衣穿憂來不可
輟恥求衆人憐雖貧志不污里中有大賢往就
大賢教庶乎鮮力愆寡過以自勉兢兢五十年
孔子尚學易古聖無不然百穀或有秋且復枕
書眠

西天寺南山陂

王鐸

青虬木根抱松煙絡城郭春風吹我情囂然在
佛閣山空人聲無獨聞水音落

獨寐

王鐸

春風惠然來炤此素帷光欲寐不成寐如有深
徬徨虎豹雖已遠風波在故鄉骨肉屢軼軻生
死能不傷欲歸難爲歸欲濟河無梁紅顏誰可
保遭遇亦何嘗江臯花漸開靈鳥鳴西墻遠遊
竟何事祇以攪我腸耿耿天爲曙緘淚擁衣裳

五言詩 卷之六
王鑑
銓下獨坐

王鑑

蘭膏裕陽景陽外陰處內寂寂寡所營兀坐成
獨對借茲鑒厥中果否無行穢日月今屬我愛
惜余晏晦方知孜孜者託心元不昧老氏守清
虛大道妙於退佻天一何多皆爲暗室累

秋雨命僕修舍後毀垣將遠遷

王鑑

高高不自命風雷何其愈十日不爲天飛電漾
爛雨室漏無乾步陰錯乏寧宇短椽垂汲泉板

屋縈水府注之老瓦盆餅壘盡參伍冲響來鬼
神貧薄蛟龍侮動靜互爲根晦昧流今古忽聞
震拔聲頽倒西南圃僖父顛躓來鬚眉霑泥土
期期語不達填胸氣莫吐少間出諸口坳垣傾
三堵地軸無能支坤輿皆朽腐皇天豈盡喪白
晝陷鼎釜鼯鼠走屋梁竄犯無規矩老夫何以
安雇傭方修補已破難爲家錢刀從工估抹之
者墮墮力築當三五面勢以圖基正向立門戶
上無使踰肩下僅足步武載基須敦厚正真鮮

苟作雕峻非所事主蓬容椎魯雖不可久居且
混跡麋麇氣數寵涼薄親故半豺虎聖賢美里
仁田園欲棄祖明哲審所存無然徒自苦忍曰
去宗廟畏茲罹網罟踽踽行他鄉永爲東山主

弔卓水東秋林太史墓

王鐸

相去數百里卓水今一歸停車問荒碑言是故
人墟昔與君盤桓間至西山隅攜壺與之傾相
好無乖違嘗恐負令言徒爲榮利驅君胡竟舍
我使我生渴飢世人多貌合轉覺道情希華轂

謬相歡轉曠生瑕疵撫茲數尺土君與我無疑
遊魂爲知己淚下不能揮人生如電火修短有
石廬舊交已如是新交安可期野兔躍枯草啼
樹立寒鴟禽猶思其侶吾衰當何依收淚驅車
去松栢聲怛悽試看北邙山日莫野雲飛

携家夜行夏津南聞寇聲走荒塚棘陀間

王鐸

夜半人跡滅途路往往窮數覘近村聚又聞剗
猪聲紆折避坑坂潛竄走汶城天黑王瓜園羸

孟津詩 卷之六
九
虺更縱橫僕病缺控馬兒啼難卽行雉兔倏驚
起腰帶鉤榛荆以手掩兒口陰岡遮火明更行
沮葦中一擲賭死生何幸出坎穴否塞偶然亨
晨光及東平賊寇假官兵我生逢斯世全家猶
未寧

再過關山與僧

王鐸

今我重跋涉關山仍在此左有清流澗雜木冒
崇堦腰佩金錯刀寒光照綠水神廟長旗掣舊
僧沒其齒東西俯環滁戰爭紛無已昔年守關

戍化爲丘壑鬼夜黑馬前哭幾人博金紫到處
有春草春風吹不起

三弟陟叅軍喜得相聚

王鐸

秋風起鹿城吹女畫鷁來一自白門別兄今老
燕臺明發事二人心氣中薄催浮榮亦何用徒
結臯魚哀九月妍芳菊三弟作牧歸命厨烹伏
雌膾鯉奏南陔萬死幸復聚喜樂心顏開休述
家破事不必傷其懷同胞共五人三存白我鬢
弟夙望雲雷經綸五嶽灰海水當西流鼇鯨亦

亂飛魯戈其奈何難挽太極暉且歌且沉酒萬
物一興衰吞泪勿鬢鬢牛食牛復齡我今近六
十古希能幾回惟日貪濁醪有人安九垓
前南征九首擬杜工部前出塞

王鑑

麋國傳羽檄昏夜點官兵六十無筋力十二不
成丁中年多戰死何以實軍營男兒衛社稷努
力但吞聲

其二

王鑑

父母執我手兒行一何迫挺身向前去不受長
官責親故慰加餐遠見行雲赤朝廷重開邊人
命何足惜

其三

王鑑

策馬伏龍坂橋斷石不牢執及我爲政報國恥
言勞金粟囊駱駝弓彎月輪高不須悲一役忍
淚拭霜刀

其四

王鑑

偶逢戍卒北頭顱裹金創裸體無人形呻吟大

路旁刺促語期期傳語阿耶孃熊湘曾見我不
必多悲傷

其五

王鑰

月墜天流黑箭冷魚服秋士卒久辛苦欃槍苦
不休蠻土剝皮骨黃沙白髑髏戈矛何日息不
是願封侯

其六

王鑰

長驅七千里止軍益陽西白晝堅壁壘夜夜事
鼓輦客鬼向我嘯雄狐向我啼伏鈇方魚俎捍

患爲丞黎

其七

王鑰

羅師犯我疆火象雜駁駟馳冒憑死生奮怒不
有身殺人亦有禮無乃太不仁彼此互勝負相
角十餘旬

其八

王鑰

主將傳軍令坑壕築木丫大纛豎高壘部伍靜
不譁颶風東南來動地走石沙地吹天將傾荒
荒白日斜

其九

長沙風色惡窈冥目不分氣瘴人馬死玄猿啼
鷓軍事親苦無日事君苦無聞厭亂者已而敢
曰立功勳

王鑰

後南征五首擬杜工部後出塞

王鑰

當我出門日霜黃木葉殘妻子攔我哭抵淚上
馬鞍丈夫貴剛強徒自摧心肝上冬颼風直敢
辭行路難雨雪沒山腰粟烈衣裳單終日不再

食食煙救飢寒人生固有志大功得大官

其二

王鑰

離家十餘年歸家尚無期顏狀日潦草病骨不
支持誰陳軍苦辛諸夏多瘡痍烽火傳不歇白
刃相突馳牙旗暮慘澹蘆笳背月吹掩口休歎
嗟幕近將軍知

其三

王鑰

我不爲後人功懋當取侯衆皆行私賄恐貽千
古羞道直難爲佞寧甘守舊丘屠掠漢陽人百

慮煎我憂心亦不惜剖血亦不惜流能援蒼生
溺敢辭微命休

其四

王鑰

荆戎氣益驕火燄吞山林守死持龍盾不受彼
軍侵驕兵者必敗次第或就擒圖君須有謀勿
使災禍深獻馘須有日擊鼓奏凱音衅甲無復
用平生一片心

其五

王鑰

嗟嗟久戍人終夜雪中眠山深苦多風山高晝

沒天 聖主戒遠略義師屢經年荷戈死無悔
間亡惡生還歸家已無家不欲爲苟全殺伐而
行威盛世恐不然



正海言

卷之六

三



